

治急病法

凡受三五〔一〕，法在存識三天貞名，三師〔二〕貞〔三〕名。有急災困病，大喚三天名，密呼三師名，即災病皆消。

上清微天，貞名防中

中禹餘天，貞名元

下大赤天，貞名德丘

右三天貞名也。

左無上，貞名_天，即天字也

右玄老，貞名众，即人字也

中央太上，貞名_{地地}，即地字也

右三師名。

反舌塞喉法

凡守一〔四〕者，身神常安。若體中不寧，當反舌塞喉，嗽汨醴泉〔五〕滿口嚥之，訖，又如前嚥液無數，覺寧乃止。止而未寧，重複為之。須臾之間，不寧之病，即應廓散，自然除也，當時有效。

注〔一〕三五：道家修煉術語。三，指水、火相合，五指戊己土。出《周易參同契》：「子午數合三，戊己號稱五。三五既和諧，八石正綱紀。」注：「八石為坤。」指水火土相諧調。

〔二〕師：原誤作「司」，據《雲笈七籤》及下文「密呼三師名」、「右三師名」等句文改。

〔三〕貞：此及以下諸「貞」字，《雲笈七籤》俱作「真」。

〔四〕守一：道家修煉名詞，出《老子》：「抱元守一」。指精思固守，神形合一，意識思維活動集中於一。《雲笈七籤·守一》小注：「一在人心，鎮定三處。」

〔五〕醴泉：指唾液。《醫心方》卷二〇：「唾者湊為醴泉。」